

PENULISAN JURNAL MINGGUAN

1. Konsep

Satu bentuk penulisan ilmiah yang berterusan mengenai sesuatu peristiwa masalah, Pencapaian atau bidang yang perlu diberi penekanan oleh pelajar sendiri berkaitan Dengan pengalaman semasa menjalani praktikum di sekolah atau semasa melaksanakan sesuatu tugas. Jurnal bertujuan membantu pelajar merenung, menilai dan menjadikannya sebagai asas untuk mengambil tindakan susulan bagi menyelesaikan sesuatu masalah/meningkatkan lagi keberkesanannya mengikut jangka masa yang ditetapkan sendiri.

2. Objektif

Pelajar dapat:

- 2.1 menyimpan catatan refleksi penglibatkannya di sekolah semasa praktikum untuk dijadikan renungan
- 2.2 menilai semula keberkesanannya tugas dan tanggungjawab yang telah dijalankannya.
- 2.3 menjadikannya sebagai asas/panduan untuk tindakan susulan bagi menyelesaikan Masalah yang difokuskan dan seterusnya meningkatkan lagi keberkesanannya melalui penambahbaikan, kreativiti dan inovasi secara berterusan
- 2.4 meningkatkan kepekaannya terhadap tugas sebenar guru profesional yang sentiasa berusaha meningkatkan keberkesanannya pengajaran dan pembelajaran serta perkembangan murid
- 2.5 menjadikan hasil penulisan/dapatkan jurnal sebagai bahan perbincangan dengan pensyarah penyelia/guru pembimbing bagi meningkatkan tahap profesionalisme keguruan
- 2.6 meningkatkan tahap dan amalan refleksi yang bersifat reflektif bagi menjana pemikiran kritis dan analitikal
- 2.7 meningkatkan kemahiran profesionalismenya

3. Garis Panduan

- 3.1 Peserta kursus dikehendaki menulis dan menyimpan jurnal sepanjang praktikum.
- 3.2 Penulisan hendaklah difokuskan kepada satu sahaja peristiwa, masalah, pencapaian atau aspek-aspek penting/kritikal yang dialami semasa praktikum.
- 3.3 Aspek yang difokus hendaklah dianalisis secara terperinci, mengandungi pandangan, cadangan dan tindakan susulan.
- 3.4 Fakta-fakta perlu disokong dengan penulisan lampau (literature review) supaya setiap masalah, cadangan dan langkah-langkah yang dijalankan lebih objektif dan berkesan.

- 3.5 Satu jangka masa ditetapkan untuk melaksanakan cadangan-cadangan mengatasi masalah yang telah difokuskan.
- 3.6 Pelajar dikehendaki mengumpul data dengan membuat catatan bagi mengesan kemajuan tindakan susulan yang telah dicatatkan.
- 3.7 Gunakan jurnal sebagai saluran merenung kembali tugas pelajar sebagai guru profesional.
- 3.8 Pelajar diminta membawa jurnal yang lengkap dan kemas kini sepanjang masa praktikum untuk disemak oleh pembimbing.

4. Perkara-perkara Yang Perlu Diberi Perhatian Dalam Penulisan Jurnal

- 4.1 Bimbingan perlu diberikan oleh pensyarah penyelia dan guru pembimbing untuk memastikan perkara-perkar yang relevan dan kritikal sahaja dicatatkan.
- 4.2 Kandungan jurnal mesti dibincang bersama antara pelajar, pensyarah penyelia dan guru pembimbing.